

Mawlana Shaykh Muhammad Adil ar-Rabbani

AAKHRI SAANS TAK CHALNE WALA SABSE BADA JIHAAD

*As-Salāmu ‘Alaykum wa RaḥmatuLlāhi wa Barakātuh.
A‘ūdhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.
Madad yā RasūlAllāh, Madad yā Sādātī Aṣḥābi RasūlilLāh, Madad yā Mashāyikhinā,
Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim
al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.*

Bismi Llāhi r-Raḥmāni r-Raḥīm:

وَلْيَنْصُرَنَّ اللَّهُ مَن يَنْصُرُهُ

(Qur’ān 22:40). ‘Wa layanṣurannā Llāhu man yanṣuruh’, ‘Aur yaqeenan Allāh un logo ki madad karega jo Allāh ki madad karte hain.’ Ṣadaqa Llāhu l-‘Azīm.

Jo shakhs Allāh ﷻ ke saath hai aur Allāh ﷻ ke hukm par amal karta hai, woh hamesha fatahmand rehta hai; fatah usi ki hoti hai. Usay koi nuksaan nahi pahonch sakta. Beshak Allāh ‘Azza wa-Jalla ka wada sachha hai. Woh wada zarur poora hoga. Iss mein koi shak nahi. Isiliye Allāh ﷻ ke saath raho. Hamesha Allāh ﷻ ke raaste par saabit-qadam raho taake Allāh ﷻ tumhein fatah aur madad ataa karein, InShaAllah.

Log be-sabr hote hain aur har cheez fauran chahte hain. Jo kuch Allāh ﷻ ka faisla hai, wahi hoga. Fataah apne īmaan ko mehfooz rakhne mein hai. Wohi sabse ahem cheez hai. Iska matlab shayṭān se shikast na khana, apne nafs se shikast na khana. Agar aap unsay haar gaye to aap haar gaye. Agar aap ne unko hara diya to aap jeet gaye. Aap ne fatah haasil kar li.

Dunyawi fatah ahmiyat nahi rakhti. Jo cheez ahem hai, jaisa ke hamaare RasūlAllāh ṣallā Llāhu ‘alayhi wa-sallam farmatein hain, ke chhota jihaad hota hain aur bada jihaad hota hai. Chhota jihaad maidani-jang karna hai. Yehi hamaare RasūlAllāh ṣallā Llāhu ‘alayhi wa-sallam farmatein hain. Bada jihaad uske baad aata hai. Kyunke ek jang aisi hai jo poori zindagi chalti rehti hai. Insaan hamesha apne nafs aur shayṭān ke saath jang mein rehta hai. Yehi bada jihaad hai. Aap yeh nahi keh sakte, ‘Main jeet

Mawlana Shaykh Muhammad Adil ar-Rabbani

gaya hoon,” aur phir usay chhod dein. Yeh kaise ho sakta hai? Agar aap Allāh ‘Azza wa-Jalla ke raaste se hatt kar keh dein, “Theek hai, main jeet gaya hoon, maine jang jeet li. Maine apne nafs ko hara diya. Maine shayṭān ko hara diya,” to yehi woh lamhein hain, jiska matlab yeh hai ke aap haar gaye. Matlab yeh hua ke aap ne sab kuch kho diya.

Yehi wajah hai, ke isay azeem jihaad kaha jata hai, kyunke yeh poori zindagi chalne wala hai. Hamare RasūlAllāh ṣallā Llāhu ‘alayhi wa-sallam farmatein hain yeh “Jihād ul-Akbar”, “Sabse Azeem Jihaad” hain. Yehi sabse bada jihaad hai, yehi sabse badi jang hai. Hum iss jang mein apni aakhri saans tak hain. Allāhﷻ hamaare saath ho. Hum Us ﷻ ke raaste par hain, InShaAllh. Allāhﷻ hamesha hamaari madad kare.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
12 October 2025/ 20 Rabih Al-Akhir 1447
Namaz-e-Fajr – Akbaba Dergah, Istanbul